

### 3 Yohani

<sup>1</sup> Mbaha, Gayo ne gane, Yuve nehuganile mu yelweli. <sup>2</sup> Vegane nihohodovela usayiwe hu fifufyoni nu huwa nkafu pa mbele, ndu enumbula yaho umuyisayiwa. <sup>3</sup> Na hovwihe vavile vambolile ava likolo vavo vahinchile nu huhumia elimenyu lya lweli yaho, ndu umovugendela mu lweli. <sup>4</sup> Nelevovole uluhekelo uluvaha ululutelile, uhupulika uhuta avana vanu vigenda muyelweli. <sup>5</sup> Vegane yuwe vugenda mu yelweli uhuvatanga avalokolo na avagenji. <sup>6</sup> Vavo vahominche uvaye lweli nu ulugano lwaho pampelela. Vuvomba vononu uhuvatanga mu njila ncha vene nu uhong'ovosya u Ngu-luve. <sup>7</sup> Ulwahova ndi tawa valutile hetagega ehenu hyohyoni uhuhuma hu vanuavakilunga. <sup>8</sup> Pu, tunogiwa uhuvambelela avanu ndava, pu tuve vavomba mbombo vaniie va yelweli. <sup>9</sup> Navasimbile avalulundamano elimenyu, ulwahuva Diotrofe uveinogwa uhuva mbulongolo huvanine, sihwedehane nufwe. <sup>10</sup> Nenginche, nikumbuhaga imbombo incha mwene inchio ihonchivomba, umu inchova amamenyu amavivi gaga sa getu. Sedehine ni mbombo inchi, umwene sihovupilila avalokolo. Ihovabencha avange vavo vinogwa uhuvumpelela avalokolo nu huwaswema vahome mu lulundamano. <sup>11</sup> Vegane, usite uhwegela ifivivi, egelaga ifinya vononu. umwene yuywa ivomba amanonu iva va Nguruve nu uve ivomba amavivi iva

sambwene u Nguruve. <sup>12</sup> Demetrio avonike na vanu voni na yelweli, na yofwe tulevatan-geli, uhumanyile uhuta amamenyu getu ga yel-weli. <sup>13</sup> Nelenago amamenyu mingi agahuhusim-bila, leno saninogwa uhuhusimbile ne simbelo. <sup>14</sup> Ninogwa uhwagana muve lenoleno, pu ya twinchovana. <sup>15</sup> Uluhungu luve nuve, ava-manyani vihoho ponia, vaponiage avamanyani yomoyomo hulitawa lya mwene

**Mahanji Bible  
The New Testament in the Mahanji dialect of the  
Kinga language of Tanzania**

copyright © 2020 Door 43 International Mission Community

Language: Mahanji (Kinga)

Translation by: Door 43 International Mission Community

Contributor: Mahanji TZ, Malila, Ndali, Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-09-02

---

PDF generated using Haiola and XeLaTeX on 11 Nov 2022 from source files dated 3 Sep 2020

90b863ef-c5fe-5634-9533-e1e4c28371dd